



TUŽILAŠTVO BiH

Podignuta optužnica protiv vođe radikalnog pokreta

Bosnić vrbovao selefije da idu ratovati u Siriji

U više gradova na području BiH Bosnić propagirao islamski radikalizam, navodi se u optužnici • Osobe koje je vrbovao odlazile da se bore na strani IS-a


Tužilaštvo BiH podiglo je jučer optužnicu protiv Bilala Bosnića, neformalnog vođe selefijske zajednice u BiH, zbog sumnje na krivično djelo terorizma, saopćeno je iz ove pravosuđne institucije. Bosnića je Državna agencija za istrage i zaštitu (SIPA) uhapsila 3. septembra u akciji kodnog naziva „Damask“.

On se nalazi u bihaćkom pritvoru već tri i po mjeseca. Zbog straha od bijega, Tužilaštvo BiH jučer je od Suda zatražilo novo produženje pritvora Bosniću, jer mu postojeći istječe u ponedjeljak.

Poziv u borbu

Optužen je da je javno poticao na terorističke aktivnosti u vezi s krivičnim djelima vrbovanja radi terorističkih aktivnosti i organiziranja terorističke grupe.

U optužnici Tužilaštva BiH navodi se da je Bosnić 2013. i 2014. godine, kao pripadnik tzv. selefijske zajednice u BiH, organizirane van zvaničnih institucija Islamske zajednice u BiH, u nekoliko gradova, kao što su zajednice u Velikoj Kladuši i u Gornjoj Maoči, radi propagiranja i širenja islamskog radikalizma u BiH i regionu,



150
bh. državljana ratuje na ratištima u Siriji

27
osoba SIPA uhapsila u akciji „Damask“

Bosnić: Javno poticao druge da se priključe terorističkim organizacijama, tvrdi Tužilaštvo

svjesno s pozicije vjerskog autoriteta u toj tzv. selefijskoj zajednici, javno poticao druge da se priključe terori-

stičkim organizacijama.

Prema navodima optužnice, Bosnić je javno na skupovima na kojima je okupljao pripadnike selefijske zajednice, kao i putem društvene mreže, održavao, objavljivao svoje govore i upućivao u njima javne poruke radi poticanja pripadnika selefijske zajednice da postanu pripadnici organizirane terorističke grupe Islamska država (IS) i kao pripadnici te grupe učestvuju u aktivnostima ko-

je ona organizira.

Nakon toga veći broj bh. državljana pripadnika selefijske zajednice napustio je BiH te se priključio IS-u u Siriji i Iraku, „koje su od Višeg sigurnosti UN-a proglašene kao terorističke organizacije i grupe, te su učestvovali u terorističkim aktivnostima u Siriji i Iraku izvršili radnje koje imaju obilježja nekog od krivičnih djela terorizma“.

Veći broj državljana BiH

koji su otišli na ratište, od koji su neki kao pripadnici terorističke organizacije i poginuli, redovno je posjećivao i prisustvovao javnim predavanjima Bosnića, ostali i dalje učestvuju u aktivnostima terorističke organizacije kojoj su pristupili i tako predstavljaju opasnost za BiH na način da se obučavaju i pripremaju i za provođenje terorističkih radnji i po povratku u BiH.

Udarne grupa

- Tužilaštvo BiH, zajedno s partnerskim agencijama u okviru Udarne grupe za borbu protiv terorizma, kao

Tvrdnje odbrane

Adil Lozo, Bosnićev advokat, rekao je jučer za naš list da je evidentno da je Tužilaštvo BiH malo požurilo s podizanjem optužnice.

- Smatram da je ono što je Bosnić govorio verbalni delikt. Govorio je svoje mišljenje, ali je očigledno da se ono nekome ne sviđa - rekao je Lozo.

i partnerskim agencijama u drugim državama, predvodilo je i predvodi te nastavlja borbu protiv terorizma i aktivnostima usmjerenim na otkrivanje i krivično procesuiranje osoba - državljana BiH koji učestvuju u oružanim sukobima na stranim ratištima - kažu iz Tužilaštva BiH.

M. AŠČIĆ

Šta je s ostalima?

Osim Bosnića, koji je prvoosumnjičeni u ovom predmetu, optužnica bi trebala biti proširena i na Avdulaha Hasanovića, Enesa Mešića, Emina Hodžića, Adema Karamuju, Fikreta Hadžića,

Envera Lilića, Salku Imamovića i Mehmeda Tutmića. Svi su oni uhapšeni u akciji „Damask“, a proveli su u pritvoru nekoliko mjeseci. No, kasnije su pušteni da se brane sa slobode.